

狄道州志序

志乘所以紀往所以紀茲俾
立政者有所鏡者有所於因
革廢興之際加興之際郡邑
聿遷州治初立其攸繫攸屬
為尤重志之作洵要務已狄

道溯秦漢以來歷為附郭邑
我

皇上御極之初特允廷臣議用撫

土者之請以臨洮郡移置會
城升狄邑為州治其境垂二

紀於茲矣先是司牧者將易

府志為州乘屢未就呼延州
牧輒復蒐輯排纂以竟厥緒
屬余量移晉省俶裝戒途亟
呈其副本來請序余謂志之
難作豈繫無文大凡考据欲
精弗精弗信論定欲確弗確

弗傳若第取所謂郡乘者增
新焉易名焉而以號於人曰
此州志州志云乎哉是編決
擇綦嚴別有體例而於邑甸
文物都會典章亦庶幾靡所
遺闕且更易數手而今乃成

帙可不謂用心之勤歟抑吾
聞人以文傳者不若文以人
傳狄之官自昔倅以上無論
論其在邑者竟若以前明謫
尉叔山楊公為最彼如置學
田創書院復開煤山永為士

氣民生所利賴宜其謳思至
今即觀辭帖諸篇亦猶生氣
凜然不可磨滅何哉官不在
崇卑但以實心為實政而無
復計功邀譽之思所謂一命
之士存心利物於人必有所

聖

明


濟也信夫方今

在上吏道澄清士君子握符
綰綬得一州而治之更可以
為所能為夫朝下令而夕遠
於民者惟親民之吏苟實心
任之當必有越軼前徽垂光

典冊而不徒斤斤於毫楮間
與文士競短長者余雖迭聽
所欣願焉已瀕行為之披閱
一過書數語以歸之并以為
勗
甘肅巡撫調任山西巡撫兼

管提督節制太原城守尉兼
理雲鎮兵部右侍郎明德謹

序



狄道州志序

狄之為州閱二紀矣長

安呼延牧於斯始為州

志請正於余而問序焉

余竊惟古君子之忠也

舊政必告於新尹然政
有時而或息告有時而
不能盡孰若書於冊而
毋守之永永勿替也是
以郡國有圖方物有記

其大者疆域以均井里
田賦以杜侵漁水利食

貨遂其養官師學校育

其才由此今門別類綱

舉目張無非厚生利用

一道同風以臻郅治之

隆志之與政固相須也

矧狄為邊圉之地明季

剽遘兵燹我

聖朝興斯民享太平之福已

百有餘年

聲教暨訖軼越千古若非

授簡陳辭惠鮮懷保之

盛何以昭垂於邊氓蓋

於茲方之吏有厚望矣

而尋常記載非樸略不
詳則泛引寡要求其參
互考訂足以信今傳後
如徐健菴韓慕廬之於
大清一統志戛戛乎難之不